

四庫全書

集部

欽定四庫全書

集部

明詩綜卷三十九

詳校官中書臣涂日煥

主事銜臣徐以坤覆勘

總校官降調編修臣倉聖脉

校對官庶吉士臣潘曾起

謄錄監生臣楊恪

欽定四庫全書

明詩綜卷三十八

翰林院檢討朱彝尊編

呂 柟 一首

柟字仲木高陵人正德戊辰賜進士第一累官
南京禮部右侍郎贈尚書謚文簡有涇野集

天津

天津城外水浮天海口東來萬里煙遙見帆檣雲外落

却疑日月鏡中懸
鶴巢不避波濤險
蜃閣常依島嶼連
愧是乘槎銀漢客
幾回吟望斗牛邊

景 賜 二首

賜字伯時儀真人
僑居南京正德戊辰
賜進士第二仕至
南京春坊中允掌
國子司業事有前

溪集

顧華玉云中允詩主盛唐蕭散遺俗詞鋒沛發靡不中的

陳羽伯云公詩瀟灑直

寫性情無論唐宋

歐楨伯云伯時文法兩漢

詩主盛唐與蔣子雲趙叔鳴朱升之號江北四子

靜志居詩話前溪集久遂失傳從盧子明廣陵
詩選錄得二首其與陳玉泉論詩云辭取達意
若惟以摹擬為工尺寸寸按古人之跡務
求肖似何以達吾意乎蓋亦矯北地之弊者

懷水部蔣子雲

碁局經旬隔壺觴勝引稀蕭條憐我輩鄰比有漁磯雲
竹晴還雨風花落更飛相期過山館小坐可忘歸

送陳戶部南使

使節乘春色家園喜便過草堂寒雨細江堰晚雲多綠
柳臨歧折青驪傍酒歌仍聞赴吳會勝事更如何

王崇慶 二首

崇慶字德徵開州人正德戊辰進士累官戶部尚書贈太子少保有端溪先生集

送馬守之澤州

寂寞山城裏春風未有花
野塘新水細茅店酒旗斜
故國音書斷長安道路賒
何時共知己傾倒酌流霞

舟次德州

遠浦漁舟小寒天柿葉稀
歸心正愁絕一鴈夕陽飛

唐龍七首

龍字虞佐蘭谿人正德戊辰進士累官太子太

保吏部尚書卒贈少保謚文襄有漁石集

王元美云

唐虞佐如苦行頭陀終少玄解

穆敬甫云唐

公詩若甲冑明光赫然耀日

顧玄言云文襄

風度壞爽頗臻古雅

陳卧子云漁石

五言本之少陵已涉藩籬漸窺堂奧

詩話文襄數歷中外宦轍所至必有留題其詩

長於五律句如鶯花邊地少風雨暮春多雲氣

雨中白山光鳥外青斷湟春水淺亂石曉山稠

赤峽青冥外飛泉急雨中星臨河影動風入鼓

聲高野水流漁市山雲進郭門雪埋青兕叫霞

引白駕飛細雨孤帆落疎燈兩岸明巖林遺魯

殿獸畝變秦川野鹿避人走山禽向我啼凍雲
投浦宿倦鳥逐風迴百里鄉程遠三更候更稀
殘綦榕葉暑嫩醕菊花天巖置戍樓直峰懸鳥
道斜客身病亦起短髮落還梳竹外青藜杖風
前細葛巾移松邀老圃
失鶴問前村均有風致

送李拱元歸田

春月白如雪春山青如銅楊柳未堪折歸客何怱怱三
徑命巾車五湖漾孤蓬從茲謝塵鞅陶然隱者風廣結
桑麻交遠尋麋鹿蹤洪淵縱文魴遙漢短冥鴻嗤彼風
塵子胡乃長書空

雨懷二首

細細風前斷疎疎葉上聞
亭臺隱山霧城郭入溪雲
轉益鄉愁亂還憐世事紛
早秋身似雁天外獨思羣

萬樹秋雲裏孤山細雨時
江泥沾落絮花霧困游絲
懷抱為誰好親朋已久辭
東溪讀書處一水護青帷

冬至

天涯長至日燈下遠遊人
薄祿家猶賴休官話未真
歲時愁不住形影自相親
幸有梅花發寒香可結鄰

赦書坪渡渭

渭北津多柳荒荒野色連十家橋外市雙櫓峽中船水
響潛魚聽沙明過鳥憐蹉跎歸色晚風雪又殘年

成縣馬融絳帳臺

太守傳經地瞻輿趁月行栗亭秋雨歇魚峽夜川明竹
外雙旌出沙邊一吏迎荒臺迷絳帳失學媿諸生

送蔣石菴赴湖南

細雨移尊日溪亭送客時風塵千里別宇宙幾人知雪

夜山陰興春天渭北思老來鄉社裏杖屨更追隨

毛伯溫

三首

伯溫字汝厲吉水人正德戊辰進士除紹興府
推官徵拜河南道御史歷按福建河南湖廣陞
大理寺丞擢都察院右僉都御史巡撫寧夏山
西順天回理院事陞右副都御史工部尚書改
兵部從駕南征加太子太保天啓初追謚襄懋
有東塘集

詩話東堂數與夏公謹李獻吉方
思道相酬和故其詩頗具風格

鹽池驛留別張僉憲

共事未半載何當別
惓惓對酒不能言
沙磧驚寒風
遡矣西夏區
邊儲恒不充
霜早歲常歉
役繁民多窮
四時勞守堠
終日事臨戎
衣單腹不飽
目擊心以恫
多君計慮周
每與愚議同
正當期展布
方念蘇疲癯
慚余但謀始
仗君還圖終
愍此邊塞苦
慎勿隳前功

夜泊富陽

秋夜江風急樓船水月明汀洲散漁火煙樹隱山城雁
逐星河沒蟲依草岸鳴鄉心愁欲絕何處擣衣聲

鄰霄臺和丁近齋

殊方久客情能遣高閣同登意忽開過日高帆過西峽
靄雲古樹壓南臺沙村近帶農田出海岸遙看湘舶來
醉下虛亭尋古迹斷碑危碣半莓苔

周金一首

金字子庚南京右衛籍武進人正德戊辰進士

累官太子少保南京戶部尚書贈太子太保謚
襄敏有上谷漁洋二橐

九日中山道中憶故園諸君子

攬轡川原秋日晴岳蓮高竝海雲生天涯佳節愁中過
塵世歸心夢裏驚懷李街頭船傍屋通吳門下水連城
登臨忽憶當時事落帽風流何限情

潘鑑一首

鑑字希古婺源人正德戊辰進士累官兵部尚

書兼右副都御史提督兩廣贈太子太保謚襄毅有古泉集

餞家兄希仁

寒雁叫汀洲歸程不可留
聊攜季路榼相送仲宣樓
歲晚荆門樹風微漢水舟
鄉心吾欲折行役幾時休

奉謝中丞北湖公以丹砂見寄

郢雪催殘臘荆雲繫病身
雁過南岳近書枉北湖頻
梅福非凡吏桃源別有春
丹砂開寶訣攜我出風塵

陳達甫云

後半有
逸趣

寇天叙一首

天叙字子惇榆次人正德戊辰進士除南大理
評事進左寺副遷寧波知府歷應天府丞以都
察院右僉都御史巡撫宣府改撫治鄖陽再改
巡撫甘肅入為刑部右侍郎以憂歸補兵部右
侍郎有涂水集

題畫

十月梅花開已多
蹇驢衝雪野橋過
亦知金紫趨朝貴
奈此當前清興何

歐陽鐸一首

鐸字崇道泰和人
正德戊辰進士
歷官吏部右侍郎
贈工部尚書謚恭簡
有恭簡公遺集

次萍鄉

明發宣風館
秋陰得氣饒
雲昏山欲斷
泥濘路偏遙
近縣峰頭塔
橫江屋底橋
舊時銅漏刻
強半土中焦

王應鵬 四首

應鵬字天宇鄞縣人正德戊辰進士累官右副

都御史協理院事有定齋集

李杲堂云先生詩渾涵高脫即置諸

開元之際可謂大家其視學畿內告誡諸生以
為學先立志不得輕議正人長者自絕於名教
文章無徒仿摹字句其中索然致貽學術之
禍一何深中後來學者之病痛切其言之也

和淵明雜詩 二首

神京四千里遙途今已逼楊柳何蕭蕭秋風吹長陌雲
深塞草黃露重秋江白仰視天宇寬俯覺微軀窄對景

斯悵神當秋頻作客忽憶四明山山中有舊宅

藹藹王朝士謀國如苞桑良穀非不多焉用存秬稂愾
昔宣尼子栖栖亦絕糧鼎烹不足致時運有陰陽義命
儻如此飢來非所傷白雲思故都皎月明東方安得夙
心人共此今夜觴

次瓜州有述

鑾輿將出狩邏騎已先征淮北三年水江西六月兵已
應經睿覽未許括蒼生直北天王地星河永夜橫

曉發淮口

春江歷歷水悠悠一夜東風五兩收
花信不知何地早鄉書猶憶故園秋
年來國是誰能定病起詩懷祇自愁
昨日六飛巡幸後已將寬法遍南州

韓邦奇

三首

邦奇字汝節朝邑人正德戊辰進士歷官浙江
僉事轉山西叅議擢僉都御史撫山西入為兵
部侍郎進南京兵部尚書以地震陷死贈太子

少保謚恭簡有苑洛先生集

送唐中丞撫蜀

聖主憂全蜀中丞出上台
蠶叢橫地出熊軾倚天開
節鉞分封陞風霜動柏臺
莫辭前路險後命已相催

再過禡亭

野戍淒淒畫角山城處處寒
砧最是秋風羈客不堪暮
雨鄉心

韓邦靖

六首

邦靖字汝慶邦奇之弟時號二韓正德戊辰進士除工部員外乾清宮災應詔陳言繫錦衣獄

奪官為民起山西左叅議有五泉集

王敬甫云五泉古歌

詞浸淫初唐間逼漢魏七言絕句詩類少

陵顧玄言云叅議詩道暢時有新語

詩話五泉心慕手追乃在大復比於西原南冷不足方之孟有涯李嵩渚似勝一籌

晚坐

遙峰羅夕日高原藹秋陰天風自何來吹我芳樹林寒蟬發哀調蟋蟀嗣其音歲月日以暮霜露日以深相思

不自遣無乃勞君心持君一杯酒聊以開鬱沈

聞雁

鳴雁蕭蕭下寒燈故故明角聲傳細雨雲色度高城兄弟無書信乾坤有甲兵秋風歸未得見爾不勝情

寄楊侍御師文

逐客地雖僻故人情不疎已勞千里駕復覩數行書別思梅花後春風蕙草初江亭一杯酒何日話相於

中秋同何仲默望月

令節他鄉酒闌山獨夜情看花秋露下望月海雲生碧
漢通查近朱樓隔水明南飛有烏鵲作意向人鳴

聖駕西巡歌

渥洼龍馬屬天閑沙苑牛羊入大官八府三邊俱望幸
九重十月未回鑾

谷太監出軍歌

五千精銳下良鄉雲裏旌旗闢日光諸將不知中使貴
夜來馬上別君王

方

鵬十一首

鵬字時舉崑山人正德戊辰進士歷南京武選

郎擢山西提學副使以疾辭用薦徵拜春坊庶

子遷太常卿有矯亭集

周子籲云太常詩尚典雅不事雕琢

詩話矯亭古詩效陶近體學白頗饒自得之趣
其自題小像云此像何人斯吳淞方矯亭頗記
前身事生可六七齡一疾遽天死天地為晦冥
蒼頭抱我哭諸婦慟拊膺其家乃城居面北高
檐楹臨街列屠沽陰風助哀聲思之宛如昨語
及輒涕零性靈想不寐還復得此生乃知記憶
前身事匪獨
鮑井羊環也

感寓 二首

昔從京師歸賀客來滿屋家人紛治具牽羊就屠戮斯
須立階除羊忽跪而伏亟命舍之去何忍見穀鯁君子
充是心當使萬物育如何一命士分符作民牧誅求入
膏髓鞭撻爛肌肉置之圜圜中死者十五六安得如此
羊食飽卧林麓

縣尉謹修職屢受上官笞同僚狡而貪臺章交薦之泣
與妻子謀歸去寧寒飢夷蹠既莫辨守此復何為

知足吟 三首

人見白髮悲我見白髮喜多少賢達人
不見白髮死高才李長吉有道文中子
行年未三十相與歸蒿里吾生已倍之
對鏡宜莞爾

昔解晉臯組出處頗合宜不幸賤姓名
誤為當道知有詔落致仕再起職論思
人皆為我榮我心獨不怡終然野鹿性
不能受銜羈蹤跡日以遠音問日以稀
當道赫然怒奮筆逐去之人皆為我惜
我心樂不支豈惟全晚

節亦以釋羣疑地下見先子庶幾無媿辭

山谷忤時宰連貶至宜州僧舍不容居置之南戍樓無
奈風雨寒一疾竟勿瘳旁無期功親棺殮誰與謀予今
老牖下骨肉聚牀頭但見眼前樂不知身後憂康哉復
康哉地下從黔婁

紀異

壬辰孟夏月既望夜入酉東鄰李氏子年可十八九門
外聞作聲蓬蓬似鼓缶開門出視之四鬼捧其首踰牆

更越樹勢若風雷吼
猝至野廟中
亂被老拳毆
父母競號呼
蹤跡竟無有
親鄰各燃炬
訪覓遍林藪
夜半忽自歸
狀貌殊獐醜
其身長丈餘
見者駭而走
入門還復短
瞪目但搖手
母妻環問故
稍語即閉口
青紫色浮面
縲絰痕映肘
僵卧三日甦
不能記誰某
此理終莫詰
語怪戒魯叟

西洲和時鳴韻

水雲深處卜幽栖
不減夔州舊
灤西寒雨渡頭孤
艇沒

夕陽江上遠山低
養馴白鴨當門浴
種就黃蘆與屋齊
未識東山歌舞地
祇將尊酒對山妻

留都將歸先呈未齋

羞將白髮戀京華
已辦歸裝路不賒
旋買雞豚投里社
敢驅鵝鴨惱鄰家
春風枕上聞啼鳥
秋水溪頭看泛槎
莫道山翁無一事
借書沽酒亦生涯

生日招遠林

勞勞六十又三年
半在愁邊半客邊
假我餘生還對酒

與人多忤合歸田花前卧疾妨春事枕上敲詩失夜眠
此日江村期一醉淺沙深竹繫吳船

丙申新正試筆和舍弟韻

七十行年祇欠三清時無補自知慙輕寒枕上慵朝起
細雨尊前劇夜談春意熙熙人自樂病懷黯黯我何堪
賣花聲在東風外紅白江梅共一擔

偶作

靜掩荆扉送夕曛幾株殘菊散幽芬一燈影射青綾被

雙杵聲催白練裙老去閒思多舊事客來清話半新聞
酒錢藥價粗能備莫怪先生嬾賣文

方鳳一首

鳳字時鳴鵬弟同榜進士官監察御史有改亭

集

周子籲云時鳴負氣不肯詭
隨於時肆志自適詩亦豪俊

閒居

自入春來日日閒柴門無客晝長闌枕書榻傍階前樹
對酒牕開屋後山葉暗新枝花盡落泥添故壘燕初還

近來識得全生術不放愁催兩鬢斑

邵銳一首

銳字思抑仁和人正德戊辰進士歷官太僕寺卿贈右副都御史謚康僖有端峰存橐

荅程以道見寄之作兼簡徐用先

近得遼陽信含情仔細看念君同患難垂老各平安野望餘沙漠邊愁重苦寒尺書艱往復惟有勸加餐

孫璽一首

璽字朝信平湖人正德戊辰進士官至山西按察僉事以子植貴贈刑部尚書有峰溪集

關索嶺

萬里雲南路三年始得歸野梅渾破萼官柳半垂絲嶺峻盤空險城尖疊石危邊疆據形勝天畔控諸厓

程啓充一首

啓充字以道嘉定州人正德戊辰進士任監察

御史贈光祿寺少卿

塞下曲

黑龍江上水雲腥
女直連兵下大寧
五國城頭秋月白
至今哀怨海東青

戴冠

七首

冠字仲鵬信陽人

一云吉水人

正德戊辰進士授戶

部主事以建言貶廣東烏石驛丞起戶部員外

出知延平府改蘇州終山東提學副使有邃谷

集

俞汝成云仲鵬聲調宏邁話意勁拔慷慨激昂有古國士風穆敬甫云戴詩如丹崖綠

水澹然
有味

詩話仲鵬與仲默同鄉里詩亦同調謂之具體可爾或言其五言律勝於仲默豈篤論乎

曉發

村雞喔喔啼取火照行李
隔離謝主人出門渡溪水
仰觀羅浮嶺白雲猶未起

立春日舟中題

作客尚無地他鄉空復春
舟中兒女大天末歲時新
樂事喧殊俗窮愁縛遠人
椒盤懷故里腸斷白頭親

南夏

不作炎州客那知宇宙偏日車淹北戶火樹爍南天氣
溽乘宵雨雲蒸挾暮煙波斯夸白氎出入不曾捐

寄王德徵登州

王子十年別封書萬里來乾坤知汝在涕淚向誰開海
國青春隔天隅白髮催相思一搔首獨上越王臺

人日游石磔

人日尋春到新隈新年物色太相催風吹燕子家家入

暖逼桃花樹樹開久住山林殊自適頻來峒客更無猜
黃柑白酒能消渴盡日松間坐不回

雨晴出左掖

北闕春雲散曉扉西山雪日弄晴暉雨聲恨不連三日
松樹須教過十圍歲遠玉螭書未有畫長金馬詔全稀
侍臣欲老惟疎放自歎從容退食歸

贈甘惠州

四百雲峯面面開使君花底放衙回人生豈必二千石

只看羅浮也合來

陸震一首

震字汝亨蘭溪人正德戊辰進士以車駕貧外
郎抗疏劾江彬逮繫三杖而死嘉靖初贈太常

寺少卿

詩話太常力批龍鱗九死不悔裏尸之後晝悔
如夜海子水溢玉河七鐵柱齊折天變豈不足
畏耶詩存無多錄四
十字一字一碧血也

朝房待罪

驥尾思千里葵心託萬言一身曾許國九死敢忘恩梅
福冠猶在朱雲檻不存空庭對明月古道照乾坤

祝鑾

二首

鑾字鳴和當塗人正德戊辰進士以祠部郎諫
南巡廷杖仕至廣東布政使有篁溪集

感興

公輸構大厦一人操引繩羣工雖不同各各奏其能用
人不求備負荷隨所勝所以無棄材百堵由茲興或者

太區別聞之為撫膺

仙源

仙源何處來無乃自天上不然瀑布泉那得千萬丈

方豪

六首

豪字思道開化人正德戊辰進士除崑山知縣
陞刑部主事諫南巡杖闕下起湖廣僉事進副

使有棠陵集

顧玄言云方詩多出少陵蹊徑
陸次友云棠陵與孫鄭衿契最深

其才雖敏不及二子遠矣

尋王粲樓故址

仙子乘雲去不還
空餘詞賦落人間
高樓試問今何處
故老相傳是此山
極目平原空悵望
側身塵界欲飛攀
漳沮秋淨征鴻下
越客悲吟鬢已斑

游桃花寺

聽說桃花寺游人興
不禁桃花今不見
流水尚堪尋

看月

看月月轉明
幽人寂無語
山空秋夜長
松露濕如雨

滄江吟

白髮滄江酒一尊
丹楓赤壁自成村
沙鷗汀雁真吾侶
垂老何曾識縣門

題畫

亂山兩岸一江橫
煙樹濛濛雨乍晴
釣艇自來還自去
江風不動水禽鳴

鴛鴦湖

鴛鴦湖邊落日明
荷花十里櫂歌聲
丈人自折碧筒飲

醉看秦塘海月生

馬錄二首

錄字君卿信陽衛籍紹興山陰人正德戊辰進士授固安知縣擢監察御史有百愚集

霸州城行

霸州城外水繞牆霸州城頭戍卒強四門高樓接煙霧
縈迴十里多垂楊去年豺虎滿天地此城南北皆戰場
至今落日照白骨血霑野草猶淋浪當時別縣人皆走

此城之人苦相守五馬使君身姓王募招壯士犒牛酒
遂令萬夫同一心彎弓罵賊不絕口固安與霸為鄰縣
此事分明眼中見乃知設險可守邦區區省費非民便

永清遇雨作

白日永清雨移時不肯休風前當檻落河漢近城流牛
馬誰堪辨蛟龍恐亦愁西歸途路失何處問孤舟

張綸一首

綸字理之錦衣衛人正德戊辰進士官按察使

僉事嘉靖初以議大禮謫戍雲南

錦衣獄中

重門扃夜月鈴柝轉深更
客夢秋能作扉燈曉尚明
君臣今古義兒女歲時情
起把青銅對愁憐白髮生

胡纘宗

二首

纘宗字孝思一字世甫鞏昌人

一云山西文水人

正德

戊辰進士特授翰林檢討外補嘉定州判移守

潼川遷南戶部郎中改吏部出知安慶府調蘇

州升山東叅政改浙江歷河南布政使以右副都御史巡撫山東改理河道乘輿幸楚纘宗作詩記事為戶部主事王聯所訐逮下獄尋放歸

有鳥鼠山人集

袁永之云先生詩出入漢魏其視昌黎少陵若弗屑者而亦未

始不合也 王元美云胡孝思如嬌兒郎愛吳音興到即謳不必合板 蔣仲舒云中丞天質穎敏亦一闕中之雋第

命意淺率不足多傳

詩話孝思詩未入格顧沾沾自喜到處留題當永陵南巡作詩紀事有云穆王八駿空飛電相竹英皇淚不磨用事殊不倫乃刻之於石致譏護者之口其得免死幸也謝山人榛贈詩云白

首全生逢聖主青山何意見騷人時孝思年將八十矣杖劍呻吟猶占韻以謝其意氣有不可及者然詩實牽率晉江王道思序之稱其宏深精殺盛歸美於秦風毋亦嗜秦人之炙者與

擬古

二首

驚喜君王至西華夜啓扉後車三十乘載得美人歸

詩話康陵西幸悅樂戶劉良女遂載以歸貯之騰禧殿號曰夫人及南巡日帝期以中途召之夫人脫簪予帝以示信帝騎過廬溝亡之大索不得也行至臨清念夫人召之以不見簪不往帝不得已兼程抵潞河載夫人偕南寺觀幡幢列鎮國公號復繫以名夫人每得竝書嘉靖初納南京給事中王紀之言俾盡撤去然夫人在途常諫帝游獵非專以色固寵者烏鼠山人是

詩直書其事亦
取禍之萌也

上馬入黃城嫖姚典禁兵猶言恩寵薄下馬坐團營

丁奉二首

奉字獻之常熟人正德戊辰進士除行人歷南

京吏部驗封司郎中有南湖留豪

詩話南湖詩不事鍛鍊興酣落筆往往暗合曩
篇句如白蘋風外水紅葉雨中山徑轉花間月
山飛樹杪泉夜橋喧客櫂曉碓起鄰燈菜甲今
朝雨蒲香隔岸風人當紅樹坐船觸白蘋行白
髮生秋日黃花惜暮年山寒松子落籬暝豆花
深俱有風韻即嘔心撚髭者為之不過兩耳

擬古

白日墜西山明朝出東海天地無終期萬物豈能待繁
花重露零高岸深谷匯昨見朱顏酡今看霜鬢改汎舟
登蓬瀛蓬瀛果誰逮

寄尤少卿宗暘

張翰歸時計亦疎秋風寂寞始登途不思五月清江上
已有鯉魚勝玉鱸

曾璵一首

璵字東玉瀘州人正德戊辰進士由戶部郎出
知建昌府有少岷存橐

詩諸王新建定寧庶人之亂吉安守伍公文定
固稱首功同時贛州則當塗邢珣袁州則武邑
徐璉臨江則臨海戴德孺饒州則晉江林城廣
信則閩周朝佐撫州則鄞陳槐建昌則少岷也
其師至雖有後先寔同力共濟少岷有收復南
康功而不見錄纂修地志者皆沒其實故表出
之詩雖未名家
亦清脫無塵氣

南洲歌

南洲春早江蘼生南洲日長沙鳥鳴郎君莫向北湖去

不似南洲煙水平

錢琦二首

琦字公良海鹽人正德戊辰進士授盱眙知縣

歷南京刑部郎中出知臨江府調思南有東畬

集

顧玄言云臨江詩冲秀彌暢 彭子殷云公良詩春容馴雅每入唐人庭奧

登獻花巖

獻花巖畔寺游子數登臨花發年年好巖深處處陰
前收落果坐久換鳴禽世路何多事看山偶會心

過滁州

江北滁南數日程蕭蕭落木送秋聲夕陽滿地鳥飛絕
人在亂山堆裏行

凌楷一首

楷字端甫揚州通州人正德戊辰進士官部

缺

郎中

郎中

高郵

孟城勞悵望煙樹一浮洲地濕人多病林寒葉易秋人

家留鳥跡國稅獨漁舟夜月珠光在多應照客愁

駱用卿一首

用卿字原忠餘姚人正德戊辰進士官兵部員

外郎

題韓信廟

逐鹿中原漢力微登壇頓憾楚軍威足當躡後猶分土
心未猜時尚解衣畢竟封侯符蒯徹幾曾握手到陳稀

英魂漫灑荒山淚秋草長陵久落暉

李獻吉云此題淮陰廟絕倡也

徐愛一首

愛字曰仁餘姚人正德戊辰進士除知祁州歷

官兵部郎中有橫山集

黃太沖云文成之學得曰仁而門人益親曰仁

之亡文成有祝予之慟其

詩力未深而不落凡俗

紀遊

壁磴臨絕壑兼乘欲疲馬屢盤羊腸出還驚虎領下逼
險悔初進稍縱覲復假如何窮探心阻困每未舍無端
覓憂虞中止固由我回思競利人何殊履危者

陸伸一首

伸字安甫太倉人正德戊辰進士官大理評事

河間道中

荒田殘雪啄飢鴉握粟謀炊野店家辛苦莫辭行路遠
冷風三日下午牛車

田惟祐二首

惟祐字裕夫蕭山人正德戊辰進士有滄螺集

詩話裕夫領解浙闈時名蔚起今則知者寡矣
詩如王謝子弟雖未陶鑄母論風流文采裙屐

亦自

不同

龍游至衢州

龍游至衢州景不殊蘭溪山少灘瀨多沙石成長隄溪
流時衝決兩岸無平蹊湍急舟行速水淺石可攜野曠
少人煙地瘠艱鉏犁泊舟無村市遇夜隨停棲幸無狂
客驚惟聞山鳥啼船定水汨汨蓬疎風淒淒寤寐夢不
成候曉無鳴雞惆悵盼家山遥遥望中迷

晚登城樓懷友

江城天暝夕陽微
拍拍輕鷗逐浪飛
水郭煙光迷野屋
海天風色上征衣
倚樓長笛家何在
出浦扁舟人未歸
愁絕知心成兩地
目隨征雁思依依

黃卿一首

卿字時庸益都人
正德戊辰進士
歷官江西布政使
有編茗集

三闕書事

曾聞甲戌邊聲急
白首追談足愴神
子女牛羊充塞窟

旌旂駝馬暗風塵
山埋戰骨雲長慘
野哭驚沙草不春
舊日債軍今甲第
大廷持法是何人

童寬一首

寬字栗卿蘭溪人
正德戊辰進士
監察御史改
調平陽推官

雨花臺

阿師何術隕天花
臺迴登臨望眼賒
百里晴山圍帝宅
六朝芳草入僧家
層層樹色寒煙合
歷歷車聲古道斜

鐵鎖銷沈龍戰後落潮處處咽江沙

明詩綜卷三十八

欽定四庫全書

明詩綜卷三十九

翰林院檢討朱彝尊編

楊慎 二十五首

慎字用脩新都人正德辛未賜進士第一授翰林修撰以議大禮泣諫杖謫永昌天啓初追謚

文憲有升菴集

薛君采云用脩窮極詞章之綺麗牢籠載籍之菁華其卓絕之

才弘博之學直欲追軋古人張愈光云升菴詩予不喜其深邃而喜其朗爽也王元美云

楊用脩如暴富兒郎銅山金埒不曉喫飯著衣
又云用脩工於證經而疎於解經詳於裨史而
忽於正史詳於時事而不得詩旨求之宇宙之
外而失之耳目之前又云徐昌穀有六朝之才
而無其學楊用脩有六朝之學而非其才又云
楊修撰之南中橐籥麗婉至華學士之巖居橐
清澹簡遠俱遠勝玉堂之作 穆敬甫云用脩
學富千古人謂其詩不逮學然其詩亦非貞元
以後語也 陳德遠云用脩詩取材六代間似
杜陵 王藩臣云先生詩時而漢魏時而六朝
時而四傑時而李杜其於才無所不構而於體
無所不兼 顧玄言云修撰咀英搜玉咳唾成
珠 陳玉叔云用脩采摭既富蹊徑終存近體
多深沈之思絕句極風人之致又云用脩著書
百餘種時分宜故相乞品詩於萬里外司空劉
元瑞得神樓曲棲息終身其珍重如此至海內

名流若永昌張愈光謂其立朝去國弘業葆貞
華容孫仲可謂其旁通廣畜名高衆忌嘉州程
給事謂其稗官小說因微適道崑山周太僕謂
其權衡操縱含英茹實四明張司馬謂其片詞
纖指根沿古初太倉王廷尉謂其才情益代使
事最工即諸家品而用脩可知也黃清甫云
楊喜用用僻事多著浮彩搜羅刻削無出其右
而駢繪既繁性情多盡傳謂美能沒禮詩亦有
之至誦其可憐風雨夜長在客塗中又江花與
江草異國看春生情境俱窮真堪隕淚李時
遠云用脩評他人詩精當不可假借其所作未
必如所評亦人才之通弊也胡元瑞云用脩
才情問學在弘正後嘉隆前挺出崛起無復依
傍自是一時之傑格不甚高而清新綺縟獨擬
六朝之秀合作者殊自斐然又云皇甫子循以
六朝語入中唐調而清空無迹揚用脩以六朝

語作初唐調而雕繪滿前故知詩有別才學貴
善用陳卧子云用脩繁蔚之中時見新警
宋轅文云用脩病在貪博故使事處往往求
巧得拙要其天才本是奇麗真如七寶流蘇
靜志居詩話虞伯生告袁伯長云文章之妙惟
浙中庖者知之若川人之為庖也麤塊而大嚮
濃醢而厚醬非不果然饜也而飲食之味微矣
浙中之庖則不然凡水陸之產皆擇取柔甘調
其清齊澄之有方而潔之不已視之冷然水也
而五味之和各得所求羽毛鱗甲之珍不易故
性為文之妙亦猶是耳讀用脩詩無異川人之
庖矣予為之調擇澄潔去其濃醢厚醬益竊比
於浙中之
庖之義云

行旅

行旅苦日短勞人知路遙忽忽歲云暮客心中搖搖曠
野積寒氣四望但寂寥嚴霜下豐草朔風鳴枯條浮雲
起為蓋堅水結為橋白日隱餘照玄雲掩層霄鳴轂無
停輪嘶馬不解鑣飛鳥夕知還征塗何迢迢無以慰苦
辛興言自成謠

三岔驛

三岔驛十字路北去南來幾朝暮朝見揚揚擁蓋來暮
看寂寂回車去今古銷沈名利中短亭流水長亭樹

賦得千山紅樹圖送楊茂之

蕭郎雅工金碧畫愛畫碧雞與金馬畫作千山紅樹圖
行色秋光兩瀟灑搖落深知宋玉悲登山臨水送將歸
丹林初曉清霜重紫谷斜陽赤燒微故人辭我故鄉去
滇樹遥遥接巴樹桑落他山共醉時楓香客路銷魂處
白首遐荒老未還流波落木慘離顏錦城紅樹那能見
千里隨君夢裏攀

錦津舟中對酒別劉善充

錦江煙水星橋渡惜別愁攀江上樹青青楊柳故鄉遥
渺渺征人大荒去蘇武流離十九年誰傳書札上林邊
北風代馬南枝鳥腸斷當年蜀國弦

送余學官歸羅江

豆子山打瓦鼓陽坪關撒白雨白雨下娶龍女織得絹
二丈五一半屬羅江一半屬玄武我誦綿州歌思鄉心
獨苦送君歸羅江浦

宿金沙江

往年曾向嘉陵宿驛樓東畔闌干曲江聲徹夜動離愁
月色中天照幽獨豈意飄零瘴海頭嘉陵回首轉悠悠
江聲月色何堪說腸斷金沙萬里流

山行即事

桐子花開映村塢單衣初試貧兒舞春寒已過四十五
十二月朔旦南郊扈從省牲

天仗雲門外宵衣曉漏前蒼龍旂影動朱鷺鼓聲傳星
爛甘泉燭霜清泰畤煙南郊警新畢重覩孝皇年

方思道云

得初
唐體

咸陽

帝里繁華歇神皋歲月多秦城依北斗渭水象天河
頽堞無遺土驚川有逝波丘陵沈霸氣松柏起悲歌

青橋

聞道盤雲棧郵亭枕水涯猿猱臨客路雞犬隔仙家
風起青丘樹春迷玉洞花旅懷今日豁停幰問裊斜

送高公次長洲尹

祖帳燕臺下官曹震澤東
星躔牛斗近地脈海潮通
新水催飛鷁微霜度早鴻
循良多暇日題詠繼文雄

寄石季瞻赴臨安謫

聞道炎方謫遙從瘴海過
後期淹歲月前路任風波
霄漢蜚鴻遠關門虎豹多
卜居何處問薜荔在山阿

送周子庚都憲撫邊

肅肅戒嚴程蕭蕭邊

一作班

馬鳴龍庭新節制騎省舊才

名玉律調秋氣金鑣寢夜聲
龍雲笳外結關月笛中明

鸞朔臨秦障，鶉鶻繞漢城。
沙汀行見鴈，海樹坐聞鶯。
游霧懷前賞，歸風遡別情。
佇聽歌凱入，一舉塞垣清。

送客

合尊且醉花間分襟易，慘愁顏朝下春風。
紫陌天涯落日青。
山美人明月相望，游子浮雲獨還愁。
見河橋柳色，勞歌一曲陽關。

春興

最高樓上俯晴川，萬里登臨絕塞邊。
碣石東浮三絳色，

秀峰西合點蒼煙天涯游子懸雙淚海畔孤臣謫九年
虛擬短衣隨李廣漢家無事勒燕然

中秋禁中對月

漢家臺殿號明光月滿秋高夜未央銀箭金壺催漏水
仙音法曲獻霓裳路車天遠鸞聲靜宮扇風多雉影涼
千里可憐同此夕美人迢遞隔西方

懷歸

星橋南望沈犀渚雪嶺西連抱珥河關塞渺茫魂夢隔

山川迢遞別離多
汀洲春雨塞芳杜
茅屋秋風帶女蘿
心事未從詹尹卜
生涯聊聽蘧童歌

李君偕過皋橋新居言別

沙門草閣對漁舟
坐俯昆池萬里流
蕭索暮塗猶浪迹
登臨暇日豈銷憂
阮公失路誰青眼
江令還家尚黑頭
行見羣英滿青瑣
寧忘一老在滄洲

竹枝詞

夔州府城白帝西
家家樓閣層層梯
冬雪下來不到地

春水生時與樹齊

滇海竹枝詞

東浦彩虹懸水碁
西山白雨點寒江
煙中艇子搖兩槳

空裏鷺鷥飛一雙

自注滇人喚
虹霓為水碁

寄遠曲

濯錦江頭煙水綠
相思萬里人如玉
瑤琴別後不曾彈
今朝才理將歸曲

江陵舟中贈田李二子

落月寒沙夜未分
玉簫金管醉中聞
明朝回首沅江路
愁聽清猿和白雲

望中條山

征馬長鳴向北風
峻關回首暮雲東
太行過盡中條出
一路青山白雪中

于役江鄉歸經板橋

千里長征不憚遙
解鞍明日問歸橈
真如謝朓宣城路
南浦新林過板橋

贈箏人

綺筵雕俎喚新聲博取瓊花出玉英肯信博陵崔十四
平生願作樂中箏

張壁一首

壁字崇象石首人正德辛未進士改庶吉士累
官太子太保禮部尚書東閣大學士贈少保謚
文簡有陽峰家藏集

尹巽峰遣祀衡山得配字

天王御宸位相國熙帝載維時肇初元秩禮肆裡類皇
皇遣近臣肅肅將遠賚顧茲南嶽鎮而與朱鳥配星分
當翼軫地望等恒岱坤維得艮止后土資負載祝融正
盤紆靈爽豈茫昧巽峰天下士祇命墟壤內晨裝發潞
河夕舸達江匯犧宰設衡福虞人剪荒穢再宿整襟冠
三薰潔醇醑樂張洞庭野紉憶蘭芷佩探歷道彌廣登
覽神愈倍禮成眷桑梓敬止重風槩秋徂命倅人星言
理征駮於皇念啓沃遲子日展對悽惻懷修塗音塵慰

寮案

王以旂 一首

以旂字士招江寧人正德辛未進士累官太子
太保兵部尚書兼右都御史贈少保謚襄敏有
石岡集

九日登長城關樓

邊塞高登百尺樓遙天極目迴消愁
穹廬遠向西番徙烽火無勞內地憂
四野牛羊隨處牧千家禾黍滿場收

喜看安阜叨清宴醉倚黃花插白頭

孫承恩 一首

承恩字貞父松江華亭人正德辛未進士歷官
太子少保禮部尚書兼翰林學士掌詹事府贈
太子太保謚文簡有使郢橐

經孟浩然故里

孟六亦高人神思乃清朗讀書陋拘牽制行喜疎曠賦
詩妙天趣力索不可仿沖融大雅音金石振遺響禁中

遇天子召對心所向終焉意不合歸哉南山放唐詩盛
千古公也李杜行布衣一時窮高譽後人仰我來經故
里慨矣勞緬想鹿門當時月依依漢江上

王道一首

道字純甫武城人正德辛未進士改庶吉士歷
官吏部右侍郎贈禮部尚書謚文定有順渠文
集

詩話順渠說經不墮宋人理
窟詩雖無意求工亦少習氣

過舊居有感

破屋頽垣是幾年
重來下馬一悽然
丁寧好護門前柳
曾繫詩人萬里船

汪玄錫一首

玄錫字天啓婺源人
正德辛未進士選給事中
陞太僕卿擢都御史巡撫江西入為戶部侍郎
卒贈尚書有東峰集

朝鵝

景陽鐘動曉鴉飛漢殿千官拜玉墀仙仗纔移東殿去

翩翩棲滿萬年枝

陳達甫云此司徒初入掖垣時作也託喻可想

許成名 一首

成名字思仁聊城人正德辛未進士改庶吉士

授編修歷諭德進侍讀學士遷太常寺卿掌國

子祭酒陞禮部右侍郎有龍石豪

蘇穀原云龍石詩清新俊

逸健拔謹嚴

朱中立云龍石

詩氣平音和蓋晚唐之佳者

西師

上谷烽煙猶未定西戎消息近如何
莎車空憶班都護銅柱曾聞馬伏波
鐵騎休論榆塞險羽書今報劒門多

何時籌策銷金甲會見旋師振玉珂

陳用亶云詩亦具體特銅柱鐵騎金

甲未免近複爾

屠徑一首

徑字直卿鄆縣人太保瀟子正德辛未進士官

吏部郎中

夜聞笛

夢破寒猶重更長客更愁何人吹短笛今夜在南樓

屠僑 二首

僑字安卿鄆縣人正德辛未進士累官太子太保左都御史贈少保謚簡肅有東洲雜藁

江頭晚步

薄晚江行意若何夕陽微影漏林柯綠厓白鳥沙痕淺
隔岸青山塔影多下網人聽潮外語入村船載渡頭歌
觀瀾不用登遐絕百里蛟門送海波

雨夜泊塘棲

出關彌望凍雲低
畫鷁迎春未試題
四十五程燈火夜
一川風雨泊塘棲

柴奇一首

奇字德美崑山人
正德辛未進士歷官應天府

尹有黼菴遺藁

鄒謙之云黼菴胸無城府言無粉繪行無機穽詩文皆典雅雄

健不落軌骸不矜刻峭

周子

韻云京兆詩文雄麗峭鬱有氣

勉聞姪

汝父三十三一疾棄諸孤汝母二十九赤手抱二雛辛
勤二十年完此身後圖汝兄亦已矣所望在汝軀汝今
逾三十尚爾在泥塗年齒日已長歲月易以徂父書能
讀否狂藥曾戒無汝若不努力何以慰老夫

繆天自云
語雖淺而

不
膚

汪文盛一首

文盛字希周崇陽人正德辛未進士除饒州府
推官入為武選主事諫南巡廷杖嘉靖初出知

福州府歷官按察使以僉都御史巡撫雲南進
大理卿有白泉集

西苑

萬年枝上露華清
百子池邊月色明
宮草經秋猶自碧
君王御輦不曾行

郭維藩 一首

維藩字价夫儀封人正德辛未進士歷官太常
寺少卿兼翰林院侍讀學士掌院事

送高穎之少卿赴南都

廣陵別後金陵別舊歲君來今歲歸回首十年猶反掌
含情千里各沾衣江萍逐櫂隨流水雲樹連天入翠微
卿佐官閒南國勝湖山清賞莫相違

郝鳳升

二首

鳳升字瑞卿汀州衛人正德辛未進士大理寺
副有九龍山房集

聖駕入城

警蹕都門裏傳呼天子歸有生皆帝德不怒自民威衣
帶千金誓湯城萬里圍自今歸馬後紫極但垂衣

無題

來去渾疑雲雨蹤楚王宮北數聲鐘情當厚處翻成怨
淚到乾時不覺濃煙縷湘裙飛蛺蝶玉屏羅幕墮芙蓉
月中剩有森森桂遮却清光第幾重

游璉一首

璉字世重連江人正德辛未進士歷官廣東按

察副使有少石橐

興田道中

興田驛路人家遠煙火依稀出遠山
簾圍秧分疎雨外茶煙人語亂雲間
半生戀闕心空赤五馬之官鬢欲斑
獨坐肩輿懷正惡武夷遙望一開顏

汪必東

一首

必東字希會崇陽人正德辛未進士歷官河南
叅政有南雋集

過劉家隔

崛起劉家隔周流漢水川
白連雲夢澤青帶郢門煙
蜂蟻偏屯聚魚鹽競貿遷
最憐貧土著蒿裏剪桑田

齊之鸞

十五首

之鸞字瑞卿桐城人正德辛未進士改庶吉士
授刑科給事中歷吏兵二科左右給事世宗即
位考察謫崇德縣丞移知長興縣稍遷南京刑
部郎中以陝西按察僉事巡寧夏升副使改河

南再改山東終河南按察使有蓉川集

汪可亭云公屬

文藻麗不尚奇澀而語意新妙詩有一韻疊至數十首者搜探奇崛毫末不遺他人多即難工公有餘力矣錢飲光云公詩文妙當世開吾鄉風氣之始文絕去枝蔓直摠所欲言詩有氣力精采往往造出人意表大抵一意孤行無所依附潘蜀藻云讀齊公南征紀行入夏錄未嘗不咨嗟歎詠以為沈鬱渾脫大得漢西之傳北地猶去而千里

詩話蓉川在給舍最為敢言侃侃不阿止康陵罷設花酒店不當論威武大將軍功寧庶人造龍艘戲劇潛結近倖邀帝南幸圖謀不軌行有日矣偕邢給事寰許給事復禮留駕及康陵親征又作回鑒賦以諷且力白王新建之誣洵骨鯁之臣也顧見容於康陵而不容於永陵何哉

及入西夏值旱澇之餘見居人刈蓬科其類有
棉蓬刺蓬二種子皆可以為麵饑民藉以充腹
取而啖之苦惡辛澀乃封題以進且言國家有
大可憂之事三廟謨有深可惜者四斥及議禮
大臣并責永陵不能虛已可謂言人所不敢言
矣入夏諸詩山川險隘誦之有如聚米與尹僉
事耕竝工惜乎志邊
闕者均未之采錄也

晚宿良鄉

我行至良鄉車駕已臨涿官藏供億煩吏走威勢捉人
馬正饑疲晚得粟一握華館據高軒敝廬聊破幄階前
樹却佳綠葉未全剥獨坐新霽清悠然念盤錯自顧章

句生胡此擁矛稍感時不成寐起視明河數月色忽半
窗枕上聞吹角

龍門龕

伊水出龍門疏鑿惟禹績溪紫匯澄潭雲斷劃絕壁泛
舟巡南厓諸龕空翠滴遠疑穴陶復近聽境寥闕黃冠
一人來導我縱幽覲何年驅鬼工深窟隱金狄頽然丈
六身大小隨剏剔旁有鉦鼓鳴愚氓伺考擊自從拓跋
來事佛轉成癖荒哉魏王泰孝誠空爾激不知文德賢

坤美符帝錫天堂無則已有則必登歷何事石上災千
古不可滌無乃託親名志祈潛奪嫡欲為生民主先被
河神溺向使正儲位亦終貽唐感經行謾誅心期使來
者惕

稠桑道中望黃河

桃林蟠土山谷入昧所出地底無傍風天際有中日仰
視耕穫人轉折忽相失仄登蟻緣枝幽盤壺閑帙僕夫
虞殞傷反汗更股栗伊予慕昔賢馭吏屢遭叱徑盡躡

河壩黃流過箭疾踰關勢彌雄四齧奔馬逸不知真宰
意何貴砥柱室汜濫民其魚豈止桑田溢三門中古開
神禹功誰匹至今沮洳場盡作秔稻窟吾生髮半蒼世
路十不一及茲瞻華嵩眼豁心神睽向來險遠虞茲晨
憂已釋

寧州曉發

燈火啓嚴城戴星行未已夜來下絕坂左右崇墉倚昏
黑迷前旌時顧斗杓指晨雞登頓初險澀曙光紫林原

行山巔溪壑行地裏坡陀首乾龍浮立土不滓所以穴
居民患燥不患水改邑視井泉卑棲固其理耕者百仞
上汲者千尋底下山阻深溝上山據高壘四鄰守無虞
塞馬徒為駛民貧獨可憂咸秦此屑齒

書郾城縣臺壁

長路淹炎日驅馳損壯心倦便雙柏坐幽伴一蛩吟嘉
穀連河內飛蝗度汝陰經過見人樂亦足豁煩襟

邠州曉發

二首

殘月征人早州城奧窔間呼船渡涇水立馬望幽山木
黍高低壟煙雲遠近關誰能渠白石種稻濁泥灣

涇北山橫絕穿厓細路高偏懸疑有麓峻極乃平皋嶺
露催禾黍秋風颯芡袍憂勤見遺俗無地立蓬蒿

靈祐驛次毛東塘韻

江路盤山轉頽垣此驛亭塞雲風外白畦菽露中青鳥
雀無歸樹驂騑不在垌誰教心匪石自信跡如萍

元旦次潘大行宗魯韻

三朝待漏趨金闕五拜瞻天散紫宸
官跡只尋常裏過
皇圖又十四回新
花邊劒佩明
初景塞外旌旗駐
早春
安得封疆倚
頗牧坐紓北顧
埽蜂屯

將至荏平

長途秋暮馬駢駢
風起塵高雉堞微
蟬到夕陽聲更急
樹經寒露葉初飛
正聞老母平安信
兼喜中丞克捷威
揚策不知行色倦
欲沽村釀解朝衣

謁范韓祀

拓跋餘光勢更張二公相望屹金湯一堂俎豆瞻遺像
萬古河山識巨防賈策清時薪抱火虞淵昏夜日重光
秋陰晝轉空階樹恨入邊烽照朔方

赤木裏口墩下坐憩

赤木空濛翠接天懸車路杪下烽煙須驅虎北馮金塔
更走龍南跨玉泉青草谷中兼得水白雲巖下盡堪田
奔馳庶竭涓埃報心苦三陟版輶前

過田州故城

河外軍藩麥秀中唐兵昔數朔方雄韓公北築三城路
至德中興一旅功番刻勁銷春蘚碧漢花穠映寺門紅
高雲不罩田州塢水鶴歸巢戛暮空

九日塗次登清水關城

朔方三度重陽節河曲千旌歲歲忙鬢髮已甘塵路白
菊花猶見塞垣黃中丞疏有回天力太宰功無縮地方
雲外好呼南去鴈繫書先為報江鄉

渡河六言

有意唱籌益粟無神驅石修邊四月黃沙八渡雙旌紫
塞三年

毛憲

一首

憲字式之武進人正德辛未進士官禮科右給
事中有古菴集

詩話古菴講學主道南書
院詩非所長具體而已

題扇

雲山擁前溪竹樹傍屋石晴風駕扁舟興到任所適水

色與天光上下涵一碧習靜久忘機魚鳥亦馴格誰知
至樂心物類固無隔

周廷用

四首

廷用字子賢華容人正德辛未進士授宜黃知
縣入為御史外補僉事叅議福建備兵四川進

江西按察使有八厓集

顧華玉云子賢才稟超
融文鋒迅湧援筆長賦

爛然

成章

詩話八厓放言忤俗東橋深惜之國寶新編以
之為殿贊云按察人豪闊視放言文藻性成早

垂鉅篇然製作庸
庸求其鉅篇頗罕

池上晚坐

皎鏡淨方塘月波涵一碧
潏灩照脩篁風聲鳴瑟瑟
愛此澹忘歸呼童卷湘帙
清籟動我衣微露潤我幘
繁星燦以羅羣跼久復寂
沖曠得所怡稅駕將何適

攢宮

宋家陵墓滿空山北望蒿丘路險艱
一代龍蛇逢末運
百年鳬鴈出塵寰
空聞玉榭金城返
不見旌旗瀚海還

無限鼎湖湘水怨白雲斑竹淚潸潸

經廣武城

廣武城邊草樹青濁河波浪畫冥冥天呼垓下真龍起
事異鴻溝白馬刑日晚沙場留返照秋風燐火亂殘星
英雄自古功無敵阮籍狂言未可聽

過壤東

壤東壤西雲日晴官船撾鼓上灘行不憎檣燕風前語
最愛山花雨後明杜甫草堂元地勝孔明圖陳自天成

明朝豔潁瞿塘上却望連雲棧閣橫

孫繼芳 一首

繼芳字世其華容人正德辛未進士除刑部主
事改兵部歷員外諫南巡廷杖尋遷郎中出為
雲南提學副使有石磯集

送徐太史使遼府

節重天王使情親帝子家雲霄三殿詔波浪九江槎庾
亮樓前月湘娥廟裏花金樽高宴罷須擬弔長沙

北征還朝凱歌

牙旗寶蓋耀星文
倚鹿牽羊總百羣
二十四通催羯鼓
帳前齊賀大將軍

李際元一首

際元陽穀人正德辛未進士歷官按察僉事

雙流次韻

鼓角催晨發川原藹暮陰
小溪清見石新柳細垂金
洞迴雲依樹山深鳥隔林
天涯看落月盈縮飽經心

盧雍一首

雍字師邵吳縣人正德辛未進士官監察御史

有古園集

泊頭晚泊欲訪子濟侍御不果

河流寒未凍市集晚猶喧日落新橋驛煙生獨樹村沙
船露燈影灘石帶水痕不見西臺客幽懷誰與論

王璜二首

璜字廷實濬縣人正德辛未進士除陝西道御

史巡按浙江

雲中歌

二首

潮湧雲屯外四家操回馬首帶金花行人莫笑應州小
武廟當年駐翠華

雲州城外日風沙雲州城裏日繁華金釵行酒將軍喜
醉倒銀壺小校家

徐咸

五首

咸字子正海鹽人正德辛未進士除知沔陽州

入為兵部主事歷官襄陽知府有東濱橐

詩話東濱為豐厓同母弟昆友皆嫻風雅歸田後築園城闌名曰餘春中疊石為小東山與錢東畬太守朱西村山人輩結小瀛洲十老社其後倭人入寇所在焚儲積遂舍園基以為倉焉句如路自窮厓入人如倦鳥還千年牛首寺一勺虎跑泉客醉黃花酒僧供白雪饒棘林花落子茆屋燕將兒山遠不聞漏夜寒疑有霜頗類賈島佛

井南社飲得影字

層樓俯青林芳筵接高迴衆賓來逶迤被服野而整時維洎寒後風日不作冷江梅泄春香鳴禽戀餘景時物

適我懷忘却酒力猛飄風吹人衣素髮颯垂領浩歌入
城闌海鶴振孤影

石首蓬萊閣

蓬萊高閣臨清漢閣下風濤日夕撞花日映紅明霽野
草煙浮綠翳晴窗雕闌遠挹荆南勝玉笛新開洞府腔
悵望謫仙何處去娟娟秋月照澄江

夜坐

涼飈落長松明月出東嶺空山夜無人玄鶴不聞警

西園雜詠

南園老梅苦寂寞移種北園臨小池却憐池水淨如鏡
照見橫斜三兩枝

湖上

涌金門外水青青倒浸西山似畫屏十里煖風魚浪細
扁舟忽過望湖亭

趙漢 二首

漢字鴻逵平湖人正德辛未進士除建昌推官

入為給事中轉山西叅政有漸齋集

泊瓜州

山寺清鐘曉江帆細雨秋瓜洲三日泊不為阻風留

湖上

鳥入山光去舟分樹影過秋江平似掌何處起風波

南大吉

二首

大吉字元善渭南人正德辛未進士授戶部主

事歷郎中出知紹興府有瑞泉集

詩話元善好青紫囊書妙善占墓其守紹興謂
定石非禹葬處別於廟東南建豐碑題曰大禹
陵其後望秩於是處焉五言
詩頗穩帖無秦人忼厲之氣

聞駕幸朔方

鐵騎綠沈槍傳聞下朔方紫臺邊月白青海陳雲黃寢
閣雞聲早行營虎步長巡游稱聖世車跡到幽荒

和馬仲房雨

涼風吹晝雨蕭颼自西岑細細緣郊迴霏霏度闕深雙
虹明夕照萬戶動秋砧為想西征輦應停北塞陰

常倫 五首

倫字明卿沁水人正德辛未進士除大理評事

謫壽州判官遷知寧羌州有評事集

王元美云常明卿如

沙苑兒駒驕嘶自賞未諧步驟 陳卧子云明卿氣骨高朗頗能自運

望山有懷故居

羈步局重城流觀狹西野高高見西山鄉愁莫傾寫天際望不極延佇一瀟灑落葉歸故根山雲滿秋櫓無情尚有適何以慰離者

客行篇寄山中所知

客行千里道塵土縑裳衣鬱鬱胡不樂思欲復西歸逝
者如斯夫朝露待日晞人生一世間乃與願相違黃鵠
舉何迴鷓鴣棲何卑撫劍獨嗟吒臨歧浩徘徊因風寄
黃綺管晏非所希

和王玉溪過韓信嶺

漢代推英武將軍第一人禍奇因躡足功大不謀身帶
礪山河舊丹青祠廟新長陵一杯土寂寞亦三秦

竹

庭竹娟娟色虛堂肅晚陰翠交紅果潤清蔭碧苔深涼
月侵水簟流風送玉琴歲寒終不改長此護雙林

采蓮曲

素月開歌扇紅蕖豔舞衣隔江聞笑語隱隱擢歌歸

俞璋 一首

璋字朝相崑山人正德辛未進士官大理評事

上方

山寺晝陰寂綠蘿覆繩牀乍愛石苔古忽聞蘭草香遠
樹多暮色幽泉有深光持此積喧意來訪逍遙場

頓

銳

九首

銳涿州人正德辛未進士官戶部主事

一云長史

有

鷗汀漁嘯集

詩話長史時名籍甚北人語云涿郡有才
才一石銳得其八詩頗警拔微嫌冗長耳

樓桑廟迎送神曲

二首

帝子降兮范之陽悅臨睨兮舊鄉山蒼蒼兮水泱泱神

之來兮驂駟蚪玉鸞鳴兮啾啾雲車兮羽蓋樓桑陰兮
蔽芾牲既肥兮酒香總惟施兮雕玉牀荃高坐兮樂未
央

帝子去兮安之違桑梓兮心孔悲白帝城兮永安宮魚
之腹兮蠶叢巫陽雲雨兮洞庭波雖信美而非吾土兮
矧蛟鰐與鼉鼉歸來兮歸來其樂兮如何

銅雀妓

西陵芳草合松柏半為薪宮殿飛銅雀下飲漳河濱檀

煙冷餘燼總帳網流塵白頭歌舞妓來教晉宮人

出聖水關往鳳皇山寺

鐵峻攢沱寥參差入煙霧塗疑鬼工鑿石截亂流渡詰
曲駭千轉坦蕩不數步陰厓匯靈淵未冬已寒沍欲上
仍趨趨先登必奮怒谷響雜鼙鼙澗蹤過狐兔斷徑屢
猱接傾巖數狼顧肆貪興會奇強制心膽怖睨憎仄磴
危足試歌岑固漸與世人隔遂愜平生慕絕塵乃無地
升天疑有路得意真忘言無心忽成句象設教莫祛煙

霞疾已痼空寂排冥詮清虛獲玄悟塵網奄頽齡恨為
造化誤

臯湖秋晚

木落天宇清草枯風力勁平湖著微霜摧此萬荷柄蓍
收浸無權玄冥欲司政遠山寒更翠積水曠而靚湘娥
理晨妝髻鬟墮明鏡輕颺漾淪漣碧綠交掩映水鳥各
沈浮游泳自其性安得金石膏瘥我山水病

湖莊秋事

郊墟絕喧阓村落斷輪軌况茲千頃湖初秋減新漲無
日不沈山有風即生浪微波淨漣漪晴宇墮空曠野服
時登臨箕踞衡臯上興闌聊詠歸扶將獨藜杖鹿門龐
德公栗里陶元亮如此足百年外無分寸望

觀鬪蟋蟀

蟋蟀著幽風泉壤恒食息迎陰已振羽欲鳴先鼓翼候
氣感化機吟秋率其職於世無所爭豈有剛脅力都緣
助人意自負萬夫特見敵豎兩股怒鬚如卓棘昂藏忿

塞胷彭亨氣填臆將搏必踞蹲思奮肆陵逼既却還直
前已困未甘蹈雄心期決勝壯志冀必克依稀觸與蠻
蝸角並開國人生亦類斯駒隙競失得知雄守其雌老
氏有淵識

房山孔水洞

石竇水拖練靈源地絕塵浪傳飛白鼠無處隱蘋鱗入
夏桃花盡經春荇葉新輕舸不可入豈有避秦人

西巡曲

飛輪擊水日三千咫尺長安在日邊試向茂陵高處望
未央前殿立銅仙

王 溱 一首

溱字公濟開州人正德辛未進士除沁水知縣
擢廣西道御史出知平陽府遷鹽運使致仕

落星寺別蔣南泠

別意隨流水迴船過落星湖光侵寺碧山色入簾青鷗
鷺馴沙岸魚龍駭石汀虛堂歸興渺煙浪晚冥冥

陸 俸一首

俸字天爵號桃谷吳縣人正德辛未進士歷官

寶慶知府


岳東伯云桃谷早登仕籍無暇篇章
晚就操觚遂起多士靈心夙構穎悟

居多朝夕苦吟已收時論蓋能守
約少陵之方博施唐人之作者也

酬劉子古鏡

古鏡不自惜遙緘千里音懸懸照肝膽奚啻雙南金
質凝精光螭盤古銘深明月入我懷聊復理吾簪與君
別幾時鬢髮雪已侵冉冉悲年暮悠悠空陸沈願言保

不缺報君久要心



明詩綜卷三十九